


OKRUŽNO JAVNO TUŽILAŠTVO U ISTOČNOM SARAJEVU


GODIŠNJI IZVJEŠTAJ O RADU ZA 2025. GODINU



KARADORĐEVA BR. 5, 71123 ISTOČNO SARAJEVO

**BOSNA I HERCEGOVINA
REPUBLIKA SRPSKA
OKRUŽNO JAVNO TUŽILAŠTVO U ISTOČNOM SARAJEVU**

**GODIŠNJI IZVJEŠTAJ O RADU
OKRUŽNOG JAVNOG TUŽILAŠTVA U ISTOČNOM SARAJEVU
ZA 2025. GODINU**



Riječ glavne okružne javne tužiteljice

Poštovani sugrađani,

Pred vama je izvještaj o radu Okružnog javnog tužilaštva u Istočnom Sarajevu koji je namijenjen vama i široj javnosti. Cilj nam je rad ovog Tužilaštva učiniti odgovornijim kroz povećanje transparentnosti i upoznavanje građana sa rezultatima i izazovima u borbi protiv kriminala u području koje pokriva ovo Tužilaštvo.



U tom smislu želim da vas obavijestim o sljedećem:

U protekloj godini, najveći broj, ili trećina predmeta u radu Tužilaštva odnosila se na krivična djela Nasilje u porodici (15,8%), Krađa (10,7%) i Šumska krađa (6,1%). Na osnovu optužnica koje je Tužilaštvo podiglo, približno 90% ovih predmeta je okončano osuđujućom presudom.

U predmetima korupcije i privrednog kriminala (KTK i KTPO) izrečeno je 16 osuđujućih presuda, od ukupno 16 pravosnažnih presuda, što je rezultiralo procentom od 100,00% kvaliteta tužilačkih odluka.

U predmetima općeg kriminala izrečeno je 243 osuđujuće presude, od ukupno 255 pravosnažnih presuda, što je rezultiralo procentom od 95,25% kvaliteta tužilačkih odluka.

Premda u protekloj godini nije podignuta nijedna optužnica u predmetu ratnih zločina, procenat realizacije plana za rješavanje predmeta ratnih zločina u 2025. godini iznosio je 100,00%, što podrazumijeva da je u cijelosti realiziran plan rješavanja predmeta ratnih zločina u 2025. godini. Ukupan broj riješenih KTRZ predmeta u 2025. godini iznosio je pet (5), od kojih su tri (3) naredbe o obustavi istrage, jedna (1) je naredba o nesprovođenju istrage i jedan (1) predmet je završen na drugi način – prenos nadležnosti.

Kako bismo unaprijedili sigurnost i zaštitu vas, vaših porodica i vaše imovine, kao i opravdali povjerenje koje nam ukazujete, u saradnji sa policijskim agencijama, vladinim i nevladinim sektorom, medijima i svakim pojedinačnim građaninom, nastavljamo borbu protiv svih oblika kriminala.

S poštovanjem,

GLAVNA OKRUŽNA JAVNA TUŽITELJICA

Halida Vrabac

Osnovne informacije o Tužilaštvu

Okružno javno tužilaštvo u Istočnom Sarajevu je ustanovljeno dana 10.11.2003. godine, koje u svom sastavu ima dvije podružne kancelarije u Višegradu i Vlasenici.

Mjesna nadležnost Tužilaštva pokriva općine: **Višegrad, Rudo, Rogatica, Novo Goražde, Vlasenica, Šekovići, Han Pijesak, Milići, Sokolac, Istočni Stari Grad, Pale, Istočno Novo Sarajevo, Istočna Ilidža i Trnovo.**

Broj stanovnika na teritoriji koju pokriva Tužilaštvo iznosi cca **162.282¹**, i to na površini od **4.133 km²**.

Okružno javno tužilaštvo u Istočnom Sarajevu pokriva nadležnosti sljedećih sudova: Osnovni sud u Sokocu, Osnovni sud u Višegradu, Osnovni sud u Vlasenici i Okružni sud Istočno Sarajevo.

Tužilaštvo, kao državni organ u sistemu pravosuđa, sprovodi istražne radnje i goni učinioce krivičnih djela u skladu sa Ustavom Bosne i Hercegovine i Ustavom Republike Srpske, a na osnovu zakona Republike Srpske i Bosne i Hercegovine.

U okviru svoje nadležnosti, Tužilaštvo štiti ostvarivanje ljudskih prava i građanskih sloboda garantovanih Ustavima Bosne i Hercegovine i Republike Srpske, kao i prava i interese pravnih lica u skladu sa zakonom, te obezbjeđuje ustavnost i zakonitost.

1. Unutrašnja organizacija tužilaštva

Unutrašnja organizacija rada tužilaca u Tužilaštvu obavljala se u četiri odjeljenja:

Sistematizacijom radnih mjesta u Tužilaštvu predviđeno je trinaest (13) tužilaca, s tim da je u 2025. godini tužilačku funkciju obavljalo jedanaest (11) tužilaca tokom čitave godine.

U sjedištu Tužilaštva u Istočnom Sarajevu bilo je raspoređeno zajedno sa glavnim tužiocem devet (9) tužilaca. U Područnoj kancelariji u Višegradu raspoređen je bio jedan (1) tužilac, dok je jedan (1) tužilac bio raspoređen u Područnoj kancelariji u Vlasenici.

Popunjenost radnih mjesta koja se odnose na administrativne radnike u ovom Tužilaštvu u 2025. godini je bila sljedeća:

Zaposleni	Sistematizacijom predviđeno	Stvarno stanje	Procijenjene potrebe
Tužioci	13	11	13
Administracija	42	31	42

Od sistematizovanih 42 mjesta, 31 radno mjesto je bilo popunjeno, što podrazumijeva da je popunjenost sistematizovanih mjesta bila 74%, odnosno da jedna petina radnih mjesta nije bila popunjena iz razloga nedostatka sredstava u Budžetu Republike Srpske.


2. Rad tužilaštva u brojevima

Osnovna uloga Tužilaštva je otkrivanje i gonjenje počinitelaca krivičnih djela.

U toku 2025. godine, najveći broj predmeta u radu odnosio se na sljedeća krivična djela (u Prilogu br. 1 ovom Izvještaju, dat je prikaz procesuiranja krivičnih djela iz nadležnosti ovog Tužilaštva kroz sve faze postupka):

- 1) **Nasilje u porodici (član 190. Krivičnog zakona RS) - 15,8% predmeta**
- 2) **Krađa (član 224. Krivičnog zakona RS) – 10,7% predmeta**
- 3) **Šumska krađa (član 224. a Krivičnog zakona RS) – 6,1 %**
- 4) **Ugrožavanje sigurnosti (član 150. Krivičnog zakona RS) – 5,8 %**
- 5) **Oštećenje i oduzimanje tuđe stvari (član. 240. Krivičnog zakona RS) -5,2 %**
- 6) **Teška krađa (član 226. Krivičnog zakona RS) – 4,7% predmeta**
- 7) **Neovlaštena proizvodnja i promet opojnih droga (član 207. Krivičnog zakona RS) – 3,8 %**
- 8) **Ugrožavanje javnog saobraćaja (član 410. Krivičnog zakona RS) – 3,7% predmeta**
- 9) **Kleveta (član 208.a Krivičnog zakona RS) – 1,8 % predmeta**
- 10) **Zloupotreba službenog položaja i ovlaštenja (član 315. Krivičnog zakona RS) – 1,8% predmeta**
- 11) **Nesavjestan rad u službi (član 322. Krivičnog zakona RS) – 1,2 % predmeta**
- 12) **Utaja poreza i doprinosa (član 322. Krivičnog zakona RS) – 1%**

Ostala krivična djela – **38 %**. Postoji više od 300 vrsta krivičnih djela koja se procesuiraju u ovom Tužilaštvu, uslijed čega je postotak zastupljenosti ostalih krivičnih djela ovako visok. Međutim, pojedinačno, nijedno od ovih krivičnih djela nije zastupljeno u značajnijem postotku.



Tužilaštvo je u 2025. godini zaprimilo 763 novih predmeta. Broj neriješenih predmeta iz ranijih godina bio je 1162. Prema tome, Tužilaštvo je u 2025. godini imalo u radu ukupno 1925 predmeta. Sa postojećim brojem tužilaca i administrativnog osoblja Tužilaštva je riješilo 663 predmeta. Unatoč nedostatku tužilaca i administrativnog osoblja, postojeći broj zaposlenih uspio je prekovremenim radom i maksimalnim trudom riješiti veći broj predmeta nego što je planirano.

3. Kvalitet rada Tužilaštva

Kolektivna norma Tužilaštva u 2025. godini je iznosila **109,98%**, s tim da je najviša ostvarena pojedinačna norma iznosila **166,83%**, a najniža ostvarena pojedinačna norma iznosila je **61,99%**. Stručni saradnici su bili raspoređeni u svim odjeljenjima i značajno su uticali na ispunjenje norme.

Kvalitet rada ovog Tužilaštva shodno Kriterijima za ocjenjivanja rada tužilaca je bio sljedeći:

Broj podignutih optužnica je ukupno iznosio **340**, s tim da je u predmetima korupcije i privrednog kriminala podignuto **24 optužnice**, u predmetima općeg kriminala podignuto je **316 optužnica** i u predmetima ratnih zločina nije bilo podignutih optužnica.

Broj podnesenih prijedloga za izricanje vaspitnih mjera i maloljetničkog zatvora iznosio je **3**.

U predmetima korupcije i privrednog kriminala (KTK i KTPO) izrečeno je **16 osuđujućih presuda**, od ukupno **16 pravosnažnih presuda**, što je rezultiralo procentom od 100,00% kvaliteta tužilačkih odluka.

U predmetima općeg kriminala izrečeno je **243** osuđujuće presude, od ukupno **255** pravosnažnih presuda, što je rezultiralo procentom od **95,25%** kvaliteta tužilačkih odluka.

U maloljetničkim predmetima nije bilo prijedloga za izricanje vaspitnih mjera koji nisu prihvaćeni od strane suda, što je rezultiralo procentom od **100%** kvaliteta tužilačkih odluka.

Kad se uzmu u obzir svi gore navedeni predmeti, dobije se **262** osuđujuća odluka, što je rezultiralo procentom od **95,62%** kvaliteta tužilačkih odluka u Tužilaštvu.

Može se zaključiti da je Okružno javno tužilaštvo Istočno Sarajevo i pored svih izazova sa kojima se susretalo tokom 2025. godine ispunilo polovinu postavljenih ciljanih rezultata i da je ostvarilo solidne rezultate, te je svojim djelovanjem doprinijelo efikasnosti i djelotvornosti, kvaliteta rada tužilaštava, transparentnosti i povjerenja građana u rad tužilaštava. Okružno javno tužilaštvo će nastaviti sa ostvarivanjem svih utvrđenih ciljeva iz Strateškog okvira tužilačkog sistema Republike Srpske za period 2025-2027 godinu.

Naime, tužilaštvo je riješilo većinu starih predmeta koji su planirani Planom za rješavanje starih predmeta, što je direktno uticalo i na činjenicu da se smanji broj prosječne dužine trajanja završenih predmeta. Pored toga, za ovaj ciljani rezultat uveliko utiče i činjenica da u predmetima privrednog kriminaliteta vještačenja traju duže, što rezultira i dužim rješavanjem tih predmeta.

Tužilaštvo je također uticalo na kvalitet svih tužilačkih odluka, pa tako i odluka o nesprovođenju istraga i na odluke o obustavi istraga, o čemu govori postotak uvažanih pritužbi na ove odluke. Ostvareni rezultat je posljedica nadzora koji je tokom 2025. godine vršio glavni tužilac i okružni javni tužilac zadužen za privredno odjeljenje, te podrške koja je pružana postupajućim tužiocima.

Tužilaštvo je učestvovalo u projektu implementacije smjernica za prevenciju seksualnog i rodno zasnovanog uznemiravanja gdje su u 2025. godini svi novouposleni u Okružnom javnom tužilaštvu u Istočnom Sarajevu upoznati sa Smjernicama, ulogom savjetnice i internom procedurom. Pored toga, promotivni materijal u vezi sa prevencijom seksualnog i rodno zasnovanog uznemiravanja u pravosudnim institucijama izložen je na vidna mjesta u instituciji.

U izvještajnom periodu, u 2025. godini, nije bilo prijava za seksualno i rodno zasnovano uznemiravanje u Okružnom javnom tužilaštvu u Istočnom Sarajevu, te s obzirom na to, nije bila provedena nijedna interna procedura.

Kroz provedbu Strategije za unaprijeđenje rodne ravnopravnosti u pravosuđu u Bosni i Hercegovini i Akcionog plana, poduzete su aktivnosti na unaprijeđenju znanja i nivoa svijesti, što je detaljno prikazano u Obrascu za praćenje primjene akcionih planova za implementaciju Strategije za 2025. godinu.

4. Budžet tužilaštva

Građani izdvajaju dio svog novca za budžet, iz kojeg se finansira i ovo Tužilaštvo. Cilj utroška ovih sredstava je da se zadovolje potrebe društva, u skladu sa interesima i potrebama građana.

Planirani iznos budžetskih sredstava ovog Tužilaštva za 2025. godinu iznosio je 3.680.5000,00 KM, koji je uključivao sve obaveze u 2025. godini, od plata i naknada zaposlenih do nabavke osnovnih sredstava za rad Tužilaštva i koji je predstavljao optimalan iznos za nesmetan rad Tužilaštva.

Međutim, odobreni iznos budžetskih sredstava je iznosio 2.716.074,33 KM, u koji su uključene sve obaveze za plate zaposlenih, dok su obaveze za naknade, režijske obaveze, obaveze prema vještacima, materijalno-tehničko osposobljavanje i ostale obaveze drastično smanjene.

Ovo sve je dovelo do povećanje neisplaćenih obaveza, kao i problema u nabavci materijalnih sredstava za rad (kancelarijskog materijala i dr.).

Planirani iznos budžetskih sredstava	Odobreni iznos budžetskih sredstava	Iznos utrošenih budžetskih sredstava
3.680.5000,00 KM	2.716.074,33 KM	2.839.020,05 KM

Iznos utrošenih budžetskih sredstava je znatno veći od odobrenog iz razloga što su tu uključene obaveze proizašle iz ranijih godina.

5. Materijalno - tehnička osposobljenost tužilaštva

U 2025. godini Tužilaštvo je nastavilo sa jačanjem svojih materijalno tehničkih kapaciteta. Preduzimane su aktivnosti kako bi kapaciteti Tužilaštva bili na zadovoljavajućem materijalno tehničkom nivou.

6. Komunikacija sa medijima

Tužilaštvo je nastavilo sa standardnom dinamikom rješavanja zahtjeva u smislu Zakona o slobodi pristupa informacija i radom na implementaciji Strategije za odnose sa javnošću i Strategije za postupanje sa osobama koje dolaze u kontakt sa tužilaštvom. Web stranica tužilaštva se redovno ažurira kako bi se ponudila pravovremena informacija, ponuđen je dovoljan broj saopštenja za javnost i koristila se redovna i pravovremena komunikacija sa medijima. Osoba zadužena za odnose sa javnosti je redovno pohađala obuke za glasnogovornike, a praćen je kvalitet i kvantitet objava na web stranicama u skladu sa VSTV—ovim indikatorima. Tokom 2025. godine se nastavilo sa korištenjem društvenih mreža, facebook i linkedin, a sve u svrhu proširivanja dostupnosti informacija o radu tužilaštva.

9. Istaknute brojke u 2025. godini



Kontakt tužilaštva

Okružno tužilaštvo u Istočnom Sarajevu

Karađorđeva br.5, 71123 Istočno Sarajevo

Tel: 057/343-225 **Fax:** 057/343-234

e-mail: okruzno@teol.net

web: <http://ot-istocnosarajevo.pravosudje.ba>

Glavna okružna javna tužiteljica: *Halida Vrabac*

Sekretar tužilaštva: *Neven Kramer*

Portparol: *Anesa Sarić*

Lista skraćenica

Tužilaštvo	Okružno tužilaštvo u Istočnom Sarajevu
Republičko tužilaštvo	Republičko tužilaštvo Republike Srpske
VSTV	Visoko sudsko i tužilačko vijeće Bosne i Hercegovine
Ministarstvo pravde RS	Ministarstvo pravde Republike Srpske
VSTV projekat	Projekat „Jačanje tužilačkih kapaciteta u sistemu krivičnog pravosuđa“
KZ RS	Krivični zakon Republike Srpske
ZKP RS	Zakon o krivičnom postupku Republike Srpske
KT predmet	Predmeti za krivična djela iz opšteg kriminala
KTPO predmet	Predmeti za krivična djela iz privrednog i organizovanog kriminala
KTRZ predmet	Predmeti za krivična djela ratnih zločina
KTM predmet	Predmeti za krivična djela maloljetničke delikvencije
KTA predmet	Predmeti u kojima je neodredivo krivično djelo ili počinitelj, a ukazuje na protupravnu radnju
KTN predmet	Predmeti u kojima je poznato krivično djelo s nepoznatim počiniocem
Pravilnik	Pravilnik o unutrašnjoj organizaciji i poslovanju tužilaštava u Republici Srpskoj